

tumasch è

Dapi la fin dils onns novonta sveglia Thomas Cathomen, nascius a Mexico e carschius a Breil en Surselva, adina puspei interess ed admiraziun cun creaziuns originalas. Sias canzuns demussan profunditad e diversitad musicala.

Igl onn 2002 ha l'emprema ovra "tartarugapop" gia fatg gizzar ureglias. En fuorma ruasseivla e precauta ha Thomas "tartaruga" Cathomen impulsau la musica romontscha - sco cumponist, cantadur e musicist.

Suenter divers albums cun *tartaruga* e cun sia band mexicana *dedo caracol* presenta igl artist siu debut sco *tumasch è*: "canzuns ord differents territoris".

Quei ei in'ovra cun quater schibettas ed in cudischet cun tut ils texts. Mintga disc ei vegnius registraus d'in auter producent cun musicist*as diversas. Igl ei tochen uss siu opus pli variont, curaschus e madir.

